

BZK "Preporod" u BiH  
Općinsko društvo BZK "Preporod" Srebrenik

**PRAVILNIK**  
**O RADU ORGANA OPĆINSKOG DRUŠTVA BZK "PREPOROD" SREBRENİK**

Srebrenik, 2018.

Na osnovu člana 14. Zakona o udruženjima i fondacijama (Sl.novine FBiH, broj 45 od 20.09.2002. godine) i člana 32. Statuta općinskog društva BZK "Preporod" Srebrenik, skupština udruženja donosi:

**PRAVILNIK**  
o radu organa općinskog društva BZK "Preporod" Srebrenik

**I OPĆE ODREDBE**

**Član 1.**

Na osnovu člana 25. Statuta općinskog društva BZK "Preporod" Srebrenik utvrđeno je da organe društva čine :

1. Skupština
2. Izvršni odbor
3. Nadzorni odbor
4. Sud časti

**Član 2.**

Ovim pravilnikom se uređuje i način rada izabраниh lica; predsjednik udruženja, zamjenik predsjednika i sekretar.

**Član 3.**

Ovim pravilnikom se uređuje način rada organa i izabраниh lica općinskog društva, što uključuje: rad skupštine , nadležnost članova skupštine i predsjedavajućeg skupštine i dr. pitanja rada skupštine koja su regulisana poslovníkom ; rad izvršnog odbora , nadležnost članova izvršnog odbora i predsjednika izvršnog odbora , tok sjednice izvršnog odbora i dr. ; nadležnost i rad nadzornog odbora , rad na sastancima nadzornog odbora i druga pitanja; nadležnost suda časti i rad na sastancima suda časti; unutrašnja organizacija rada općinskog društva, odsjeci i dr ; nadležnosti predsjednika društva, zamjenika predsjednika društva i sekretara , uputstvo o klasifikacionim oznakama predmeta i akata i druga pitanja.

## II ODREDBE PRAVILNIKA O RADU ORGANA DRUŠTVA

### PRAVILNIK O RADU SKUPŠTINE

#### Član 4.

Skupština je najviši organ općinskog društva BZK "Preporod" Srebrenik. Skupština ima svoj poslovnik o radu.

#### Član 5.

Skupština vrši svoja prava i dužnosti na osnovu i u okviru Statuta općinskog društva BZK "Preporod" Srebrenik " i u skladu sa Statutom Bošnjačke zajednice kulture "Preporod" u Bosni i Hercegovini.

#### Član 6.

Skupština općinskog društva svoje odluke donosi većinom glasova prisutnih zastupnika. Da bi skupština mogla valjano odlučivati, potrebno je da na sjednici prisustvuje natpolovična većina utvrđenog ukupnog broja zastupnika.

#### Član 7.

Redovnu kao i vanrednu skupštinu zakazuje predsjednik društva, a u slučaju njegove spriječenosti zamjenik predsjednika, odnosno predsjednik izvršnog odbora. Skupština zasijeda u redovnom i vanrednom sazivu.

#### Član 8.

Izvještajna skupština općinskog društva BZK "Preporod" Srebrenik održava se najmanje jednom u dvije godine.

Izborna skupština općinskog društva BZK "Preporod" Srebrenik održava se svake četiri godine.

Vanredna Skupština BZK "Preporod" Srebrenik održava se po potrebi i okolnostima koje to zahtijevaju. U redovnom kao i vanrednom zasijedanju skupština odlučuje natpolovičnom većinom prisutnih zastupnika.

#### Član 9.

Skupština BZK "Preporod" Srebrenik razmatra i odlučuje u redovnom sazivu o svim bitnim pitanjima, a naročito:

1. Donošenje statuta, poslovnika o radu organa društva, pravilnika i drugih normativnih akata;
2. Razmatra sva pitanja bitna za rad općinskog društva BZK "Preporod" Srebrenik;
3. Bira Izvršni odbor, Nadzorni odbor, Sud časti i druge organe u skladu sa ovim statutom;
4. Bira i razrješava predsjednika i zamjenika predsjednika društva , prema potrebi, i posebnih odbora ili komisija radi izvršavanja naročito važnih zadataka;
5. Donošenje programa rada društva i usvajanje izvještaja o njihovom izvršenju, I druga pitanja utvrđena Statutom društva.

Član 10.

Skupština općinskog društva BZK "Preporod" Srebrenik iz reda svojih zastupnika bira radno predsjedništvo, koje čini predsjedavajući skupštine i dva člana predsjedništva, od kojih je jedan član zamjenik predsjedavajućeg skupštine.

Član 11.

Skupština radi u skladu sa poslovníkom o radu, koji je sastavni dio ovog Pravilnika.

## PRAVILNIK O RADU IZVRŠNOG ODBORA

### I OPĆI DIO

Član 12.

Izvršni odbor općinskog društva BZK "Preporod" Srebrenik broji 9 ili 11 članova. Kao izvršno-operativni organ skupštine neposredni je realizator programa rada, kojeg donosi Skupština društva.

Član 13.

Zadaci Izvršnog odbora BZK "Preporod" Srebrenik proizilaze iz programa rada društva, odluka i zaključaka skupštine, Zajednice općinskih društava "Preporod" i organa BZK "Preporod" u BiH.

Izvršni odbor naročito:

- Izvršava odluke, zaključke , uputstva i smjernice redovne i vanredne skupštine općinskog društva i organa BZK "Preporod" u BiH;
- Utvrđivanje prijedloga Statuta i drugih akata;

- Predlaganje godišnjih programa rada, izvještaja o radu i korištenju finansijskih i drugih sredstava te njihovo podnošenje Skupštini radi usvajanja;
- Bira predsjednika izvršnog odbora i sekretara društva;
- Donosi operativne planove i programe za realizaciju ciljeva i zadataka utvrđenih programom rada društva;
- Donosi Odluke o formiranju sekcija, klubova društva i sl.
- Razmatra, prijedloge i zahtjeve organa društva; skupštine, nadzornog odbora, suda časti, predsjednika, zamjenika predsjednika) i preduzima mjere koje proizilaze iz njih;
- Postupa u svom radu prema odredbama Pravilnika o unutrašnjoj organizaciji i radu organa društva, kojeg razmatra i usvaja skupština društva;
- Utvrđuje nacрте akata koje predlaže skupštini i donosi akta u vezi s realizacijom svog programa rada;
- Uspostavljanje i razvijanje saradnje s drugim organizacijama, udruženjima i ustanovama u sastavu Bošnjačke zajednice kulture “Preporod”, kao svjetske zajednice bošnjačke kulture, u skladu s Ustavom Bošnjačke zajednice kulture “Preporod” i ciljevima ovog statuta;
- Iznalazi izvore finansiranja, sagledava finansijske potrebe za unapređenje rada društva, stara se o prikupljanju finansijskih i drugih sredstava i upravlja njima i postojećom imovinom društva, u skladu sa programom rada društva, o čemu podnosi izvještaj skupštini društva;
- Prava i obaveze članova izvršnog odbora pored nabrojanog bliže su utvrđena Pravilnikom o unutrašnjoj organizaciji i radu organa društva;

#### Član 14.

Članove Izvršnog odbora bira skupština općinskog društva BZK “Preporod”.

#### Član 15.

Izvršni odbor broji 9 ili 11 članova uključujući predsjednika društva i zamjenika predsjednika.

Skupština bira 5 (pet) ili 7 (sedam) članova izvršnog odbora sa kandidatske liste, koji se biraju tajnim ili javnim glasanjem, s tim što su izabrani oni koji su dobili najveći broj glasova.

Preostala (3) tri člana sa kandidatske liste imenuje predsjednik općinskog društva.

#### Član 16.

Izvršni odbor općinskog društva BZK “Preporod” Srebrenik iz reda svojih članova bira predsjednika Izvršnog odbora.

## Član 17.

Predsjednik Izvršnog odbora pokreće i podstiče rad odbora, stara se o realizaciji programa rada odbora, saraduje sa predsjednikom društva u pripremi sjednica odbora, priprema i podnosi izvještaje izvršnom odboru i Skupštini o radu odbora.

Izvršni odbor se sastaje po potrebi, a najmanje jednom kvartalno u toku godine.

## Član 18.

Ukoliko član izvršnog odbora ne sprovodi odluke odbora, ili ne prisustvuju sjednicama odbora tri puta zaredom neopravdano, predsjednik društva predlaže razrješenje člana izvršnog odbora i imenovanje novog člana do kraja tekućeg mandata, što potvrđuje skupština društva na narednom vanrednom ili redovnom zasijedanju.

Izvršni odbor donosi odluke većinom prisutnih na sjednici odbora, ukoliko je obezbijeđen kvorum (natpolovična većina) za rad odbora. Ukoliko se ne može obezbijediti kvorum za sjednicu odbora tri puta zaredom, predsjednik društva zakazuje vanrednu skupštinu društva na kojoj se imenuje novi izvršni odbor.

## II RAD NA SJEDNICAMA IZVRŠNOG ODBORA

### Član 19.

Predsjednik izvršnog odbora zakazuje sjednicu na prijedlog predsjednika društva. Predsjednik društva i predsjednik izvršnog odbora zajedno utvrđuju dnevni red sjednice društva.

Za konačno formulisanje predloženih tačaka dnevnog reda nadležan je predsjednik društva.

Sjednicama izvršnog odbora predsjedava predsjednik izvršnog odbora ili predsjednik društva.

Sjednicu izvršnog odbora može sazvati i predsjednik društva, zamjenik predsjednika društva ili 1/3 članova izvršnog odbora.

Članovi izvršnog odbora se na sjednicu pozivaju pismenim ili usmenim putem.

### Član 20.

Sastancima Izvršnog odbora mogu prisustvovati i druge osobe čije se prisustvo ocijeni prikladnim u odnosu na dnevni red, ali isti nemaju pravo glasa prilikom donošenja odluka.

#### Član 21.

Predsjedavajući sjednicom izvršnog odbora zaključuje raspravu po svakoj tački, poziva na izjašnjavanje o istoj, te iznosi izglasanu verziju.

#### Član 22.

Na sastancima izvršnog odbora obavezno se vodi zapisnik.

#### Član 23.

Izvršni odbor ima ovlasti udaljiti iz odbora svakog člana ukoliko radi na štetu Udruženja, te o tome obavijestiti Skupštinu Udruženja.

#### Član 24.

Za svoj rad članovi izvršnog odbora odgovaraju Skupštini i isti mogu biti razriješeni odlukom Skupštine.

#### Član 25.

Svaki član izvršnog odbora je dužan čuvati poslovnu tajnu.

#### Član 26.

Izvršni odbor radi i odlučuje u skladu sa Statutom i Pravilnikom o radu organa društva i svoje odluke donosi natpolovičnom većinom glasova prisutnih članova.

#### Član 27.

Za pravovaljano donošenje odluka potrebno je da na sastancima izvršnog odbora bude prisutna natpolovična većina od ukupnog broja članova izvršnog odbora.

#### Član 28.

Glasanje na sastancima Izvršnog odbora je javno, a ukoliko se  $\frac{1}{2}$  članova izjasni da, zbog specifične situacije, želi glasati tajno, omogućit će se tajno glasanje.

## TOK SJEDNICE IZVRŠNOG ODBORA

### Član 29.

Predsjedavajući sjednicom izvršnog odbora, nakon što je utvrđena većina članova prisutnih na sastanku, predlaže sekretara društva ili drugo lice za zapisničara. Nakon određivanja lica koje vodi zapisnik predsjedavajući sjednicom izvršnog odbora predlaže dnevni red s prijedlogom izmjena i dopuna dnevnog reda, ako ih ima. Dnevni red se usvaja zajedno s izmjenama i dopunama u cjelini natpolovičnom većinom prisutnih na sjednici.

Dnevni red obrazlaže predsjedavajući sjednicom izvršnog odbora.

Svaki član izvršnog odbora može raspravljati po jednoj tački dnevnog reda dva puta. Predviđeno vrijeme za raspravu u prvom javljanju je do 10 minuta, a u drugom javljanju do 5 minuta.

O dužini rasprava brine predsjedavajući sjednicom. Član izvršnog odbora ukoliko ometa rad na sjednici može biti udaljen sa sjednice na prijedlog predsjednika izvršnog odbora, predsjednika društva ili bilo kojeg člana izvršnog odbora.

Nakon rasprave po svakoj tački dnevnog reda donosi se zaključak većinom glasova prisutnih na sjednici. Zaključak uobličuje predsjedavajući sjednicom odbora.

Na kraju sjednice u Zapisnik se unose zaključci po provedenoj raspravi po tačkama dnevnog reda.

Zapisnik potpisuju zapisničar i predsjedavajući sjednicom.

Zapisnik sa usvojenim zaključcima se daje na uvid članovima izvršnog odbora na sljedećoj sjednici izvršnog odbora, ako to oni zahtijevaju.

## PRAVILNIK O RADU NADZORNOG ODBORA

### Član 30.

Nadzorni odbor općinskog društva BZK "Preporod" Srebrenik sastoji se od (3) tri člana. Predsjednika i članove Nadzornog odbora bira skupština na mandatni period od 4 (četiri) godine.

Nadzorni odbor vrši nadzor rada društva, a naročito :

- Vrši kontrolu finansijskog poslovanja društva, usklađenost sa važećim zakonskim propisima i pravilnicima Udruženja i o tome izvještava Skupštinu,
- Predlaže mjere poboljšanja poslovanja društva ,
- Prati primjenu odredaba ovog Statuta i izvršavanje odluka Skupštine, Izvršnog odbora i drugih organa društva.



### Član 31.

Sastanku nadzornog odbora prisustvuju svi članovi odbora. Sastanak saziva i vodi predsjednik odbora.

Odluke nadzornog odbora su validne, ukoliko za njih glasa većina prisutnih članova.

Ako nadzorni odbor ne može obezbijediti prisustvo sastanku svih članova odbora dva puta zaredom, predsjednik odbora i još jedan član mogu donositi validne odluke po pojedinim pitanjima dogovorom i u tom slučaju odluku u pismenoj formi prosljeđuju skupštini na razmatranje i usvajanje.

## PRAVILNIK O RADU SUDA ČASTI

Sud časti općinskog društva BZK "Preporod" Srebrenik sačinjavaju (3) tri člana koje bira skupština društva.

### Član 32.

Sud časti rješava statusna i druga pitanja na osnovu kršenja odredbi Statuta koje se odnose na članstvo, organe i lica društva.

Razmatra i rješava sve nesporazume koji mogu nastati u komunikaciji unutar organa društva ili između lica i organa društva.

Sud časti može na osnovu prijedloga izvršnog odbora ili predsjednika društva donijeti i odluku o prestanku članstva u općinskom društvu.

### Član 33.

Sud časti ima svog predsjednika. Mandat članovima Suda časti traje 4 (četiri) godine i može biti ponovljen još jednom.

Sud časti se sastaje po potrebi. Sastanak Suda časti saziva i vodi predsjednik. Sastanku Suda časti prisustvuju svi članovi tog organa.

Odluke Suda časti su validne, ukoliko za njih glasa većina prisutnih članova.

Ako Sud časti ne može obezbijediti prisustvo sastanku svih članova tog organa dva puta zaredom, predsjednik Suda časti i još jedan član mogu donositi validne odluke po pojedinim pitanjima dogovorom i u tom slučaju odluku u pismenoj formi prosljeđuju skupštini na razmatranje i usvajanje.

## UNUTRAŠNJA ORGANIZACIJA

### Član 34.

Općinsko društvo BZK "Preporod "Srebrenik u skladu sa svojim potrebama i finansijskim mogućnostima rad organizuje po dijelovima koji mogu činiti:

#### 1.Ured

Poslovi ureda se organizuju za administrativno tehničke i računovodstvene potrebe općinskog društva. Ured mogu činiti sljedeća stručna lica:

- Sekretar društva
- Računovodstveni službenik
- Administrativni tehničar

#### 2.Odsjeci

Odsjeci se organizuju za provođenje aktivnosti društva utvrđenih statutom i programom rada društva.

- Odsjek za kulturnu djelatnost ( sekcije,klubovi i sl.)
- Odsjek za izdavačku djelatnost ( nova izdanja i reprint izdanja , časopisi , listovi i sl.)
- Odsjek za promociju, afirmaciju i popularizacije kulture, književnosti i umjetnosti, tradicije, kulturnog turizma, kulturne historije Bošnjaka, uže kulturme baštine i dr.
- Odsjek za privrednu djelatnost ( djelatnost koja omogućuje ostvarivanje prihoda u skladu sa zakonom koji reguliše tu oblast).

### Član 35.

Svaki odsjek može imati svog voditelja kojeg predlaže predsjednik društva, a imenovanje potvrđuje skupština društva.

Ukoliko se steknu uslovi za formiranje organizacionih dijelova društva u skladu s članom 33. ovog Pravilnika, odluku o tome donosi Izvršni odbor društva, a skupština razmatra i usvaja na svom narednom zasijedanju.

## Član 36.

Ukoliko općinsko društvo svojom djelatnošću ostvaruje prihode kojima se mogu planirati novčane naknade za rad organa i lica, onda se posebnim aktom izvršnog odbora utvrđuje vrsta, način i visina isplate tih naknada.

## PREDSJEDNIK UDRUŽENJA

### Član 37.

Predsjednik općinskog društvo BZK "Preporod "Srebrenik predstavlja i zastupa Društvo, sudjeluje u radu Izvršnog odbora, te predlaže donošenje odluka za unapređenje rada i uklanjanje utvrđenih nedostataka.

Predsjednik općinskog društva je odgovoran za provođenje okvirnog programa rada društva koji usvaja skupština društva.

Predsjednik općinskog društvo BZK "Preporod "Srebrenik potpisuje sve akte i druge pisane dokumente koji, se odnose na rad i poslovanje društva u skladu sa važećim propisima.

Predsjednik općinskog društvo BZK "Preporod "Srebrenik uspostavlja i razvija saradnju s drugim organizacijama, udruženjima i ustanovama, u smislu ovog statuta, u skladu s Ustavom, Statutom i drugim dokumentima Bošnjačke zajednice kulture "Preporod" u Bosni i Hercegovini.

Predlaže svoj programa rada u mandatnom periodu, koji usvaja skupština društva i iz tog programa preduzima aktivnosti, a naročito:

- afirmacija pozitivnih oblika kulturnog djelovanja unutar organiziranih segmenata društva u kojima Bošnjaci zajedno sa drugim narodima grade odnose na principima ravnopravnosti u državi BiH,
- pokretanje aktivnosti koje će doprinijeti prepoznatljivosti rada društva kod građana, čime će se stvoriti pretpostavke za uzimanje vodećeg mjesta po kulturnoj organizovanosti u lokalnoj zajednici i šire,
- ostvarivanje komunikacije sa najznačajnijim institucijama kulture u BiH radi zajedničke saradnje i unapređenja rada društva,
- ostvarivanje saradnje sa vlastima na svim nivoima u BiH u cilju stručne, materijalne, finansijske i svake druge pomoći u radu društva,
- ostvariti saradnju sa privrednim subjektima radi stvaranja partnerstva u sferi ekonomsko-kulturnih odnosa,
- ostvarivanje saradnje sa udruženjima BZK "Preporod" u regionu i dijaspori.
- organizovanje kulturnih manifestacija kojima se promoviše rad društva i dr.

#### Član 38.

Predsjednik općinskog društva ima pravo na mjesečnu novčanu naknadu za svoj rad, ukoliko za to postoje obezbijeđena finansijska sredstva.

Odluku o vrsti naknade i visini iznosa donosi Izvršni odbor društva.

#### ZAMJENIK PREDSEDNIKA UDRUŽENJA

#### Član 39.

Zamjenik predsjednika općinskog društva BZK "Preporod "Srebrenik zamjenjuje predsjednika sa svim njegovim pravima i obavezama u slučajevima njegove odsutnosti ili spriječenosti ili u međusobnom dogovoru.

Zamjenik predsjednika udruženja zajedno sa predsjednikom izvršnog odbora pomažu predsjedniku u izvršavanju programa rada društva koji usvaja skupština društva, kao i realizaciji aktivnosti utvrđenih u ciljevima rada društva.

#### SEKRETAR

#### Član 40.

Općinsko društvo može imati sekretara. To je lice koje može profesionalno obavljati poslove sa punim ili polovičnim radnim vremenom, ukoliko postoje obezbijeđena finansijska sredstva za te namjene.

Sekretar rukovodi svim poslovima ureda. Priprema materijale za sjednice organa društva i obezbjeđuje normalno administrativno - finansijsko poslovanje društva.

#### Član 41.

Sastavni dio ovog pravilnika čine ; poslovnik o radu skupštine društva, pravilnik o računovodstvu, pravilnik o finansijskom poslovanju društva; pravilnik o kriterijima za učešće na Javnim pozivima nadležnih institucija kojima se finansiraju projekti iz kulture:realizacija odobrenih projekata;pravdanje sredstava i naknade autorima projekata.

#### KLASIFIKACIONE OZNAKE PREDMETA I AKATA

Član 42.

Općinsko društvo BZK "Preporod" Srebrenik će svoja akta označavati na sljedeći način:

- 01- Oznaka za akte koje donosi skupština društva
- 02- Oznaka za akte koje donosi predsjednik društva
- 03- Oznaka za akte koje donosi izvršni odbor društva
- 04- Oznaka za akte koje donose ostali organi društva

Npr. 01-1/18. 01 označava da je skupština donijela akt. Broj 1 označava redni broj akta u jednoj godini, a 18. godinu donošenja akta.

### III ZAVRŠNE ODREDBE

Član 43.

Sva pitanja koja nisu uređena odredbama ovog Pravilnika utvrđuju se odlukama i zaključcima nakon razmatranja Izvršnog odbora, a u skladu sa Statutom društva i zakonima BiH.

Član 44.

Izmjene i dopune ovog Pravilnika se vrše na način koji važi za njegovo donošenje.

Član 45.

Ovaj Pravilnik razmatra i usvaja skupština društva, a stupa na snagu danom donošenja.

Općinski odbor BZK "Preporod" Srebrenik  
Skupština društva  
Broj: 01- /18  
Srebrenik, 21.11. 2018.

Predsjedavajući skupštine